



Il schnec da Medel

Sin ina tschaghegn' han quels de Medel viu
In schnec, che veva cornas e sbabas sc' in futiu.
Ohi, oho, quei tscho ben quei tscho!
Els teman e bragian e greschan mordio!
E tegnan el pil giavel! Quei tscho ben quei tscho!

Els tegnan cusseida co seliberar
E co il giavel dalla tschaghegna rabbitschar
Ohi, oho, quei tscho ben quei tscho!
Els teman e bragian e greschan mordio!
Dalla tschaghegna' il giavel catschei enzaco!

L' entira vischnaunca sa negin inschign.
Ch' il ver de far cul giavel ei strighel sa mintgin.
Ohi, oho, quei tscho ben quei tscho!
Els teman e bragian e greschan mordio!
Mo ceder sto il giavel tutt' enzaco!



Il's umens van a Mustér cun grond sbargat
E portan en lur Medel gl' avat sin ina grat.
Ohi, oho, quei tscho ben quei tscho!
Els teman e bragian e greschan mordio!
Dalla tschaghegna' il giavel scungir' enzaco!

Gl' avat arv' in cudischun von gl' animal
Per scungirar quei tribel glimari infernal.
Ohi, oho, quei tscho ben quei tscho!
Els teman e bragian e greschan mordio!
Dalla tschaghegna' il giavel po scatsch' enzaco!

Il schnecc peglia tema von schi biars otgàs,
Che schi mitgiert tschaghegnan sin el e fan fraccass.
Ohi, oho, quei tscho ben quei tscho!
Els giblan e rian e greschan mordio!
Dalla tschaghegna' il giavel semov' enzaco!

Quel till' en las cornas e ha che fa pir -
E beindabot seruschna davos in crap dil mir.
Ohi, oho, quei tscho ben quei tscho!
Els giblan e rian e greschan mordio!
Dalla tschaghegna' il giavel fugius enzaco!

Gl' avat vegn puspei uss sin la grat alzaus
Dils curaschus de Medel ed a Mustér purtaus.
Ohi, oho, quei tscho ben quei tscho!
Els teman e bragian e greschan mordio!
Dalla tschaghegna' il giavel cediuz enzaco!

Cun ina mes' alp han els el regalau
Ed era la manutta e siu ani bitschau.
Ohi, oho, quei tscho ben quei tscho!
Els giblan e contan e greschan mordio!
Ein lèds ch'els ein dil giavel mitschai enzaco!

Els fan uss perdanonz' ed in slamuz
Ed aulzan la victoria sur dil huzerlimuz.
Ohi, oho, quei tscho ben quei tscho!
Els beiban e maglian e greschan mordio!
Temiu han betg il giavel e quei ben quei tscho!

